

# Das Fünfte Buch Mose.

XC.

## I.



## Als sind die wort: die Mo-

se redet zum ganzen Israel jenseid dem Jordan / in der Wüsten auff dem gesilde/ gegen dem Schilfmeer/zwi-sschen Paran vnd Thophel/Laban/Hazeroth/vnd Disahab/Eilß tagereise von Horeb/durch den weg des gebirges Seir/bis gen Kades Barnea. Und es geschach im vierzigsten jar am ersten tage/des eilßten monden/

**Eihou.** da redet Mose mit den kindern Israel/ alles wie jm der HERR an sie geboten hatte / Nach dem er Sihon den König der Amoriter geschlagen hatte/der zu Og. Hesbon wonete/Dazu Og den König zu Basan / der zu Astaroth zu Edrei Num.21. wonete/Jenseid des Jordans im lande der Moabiter fieng an Mose auszulegen dis Gesetz/vnd sprach.

**Q**ER HERR vnser Gott redet mit vns am berge Horeb/vnd sprach/ Jr seid lang gnug an diesem Berge gewesen / wendet euch vnd ziehet hin/das jr zu dem gebirge der Amoriter kompt/ vnd zu allen jren Nachbarn im/gesilde/auff bergen/vnd in gründen / gegen Mittag vnd gegen den anfurt des Meers/im lande Canaan / vnd zum berge Libanon / bis an das grosse wasser Phrath. Sihe da / Ich habe euch das Land / das da für euch liegt gegeben/Gebet hin ein vnd nempts ein/das der HERR ewrn vetern Abrah. Gen.15.17 raham/ Isaac vnd Jacob geschworen hat / das ers jnen vnd jrem Samen nach jnen geben wolt.

**Erod.18.** **Q**A sprach ich zu derselben zeit zu euch/Ich kan euch nicht allein ertragen/ Denn der HERR ewr Gott hat euch gemehret/das jr heuts tages seid wie die menge der stern am Himmel (Der HERR ewr veter Gott mache ewr noch viel tausent mehr / vnd segne euch/wie er euch geredt hat) Wie kan ich allein solche mühe vnd last vnd hadder von euch ertragen? Schaffet her/ weise/verstendige vnd erfarene Leute / vnter ewren Stemmen / die wil ich len sol. vber euch zu Heubter segzen.

**Erod.18.** **D**Al antwortet jr mir/vnd spracht/Das ist ein gut ding/danon du sagest/ das du es thun wilt. Da nam ich die Heubter ewr stemme/weise vnd erfarene Männer/vnd satzt sie vber euch zu Heubter/vber tausent/vber hundert/vber funffzig / vnd vber zehn / vnd Amptleute vnter ewren stemmen. Und gebot ewrn Richtern zur selben zeit / vnd sprach/Verhöret ewre Brüder/vnd richtet recht zwischen jederman vnd seinem Bruder vnd dem Fremdlinge. **2.par.19.** Keine Person solt jr im Gericht ansehen; Sondern solt den Kleinen hören wie den Grossen/vnd für niemands Person euch schewen/Denn das Gericht tampt ist Gottes. Wird aber euch eine Sache zu hart sein/die lasset an mich gelangen/das ich sie höre. Also gebot ich euch zu der zeit alles was jr thun solt.

**Q**A zogen wir aus von Horeb vnd wandelten durch die ganze wüsten/ (die gros vnd grausam ist/wie jr gesehen habt) auff der strasse zum gebirge der Amoriter/wie vns der HERR vnser Gott geboten hatte/vnd kamen bis gen Kades Barnea. Da sprach ich zu euch / Jr seid an das gebirge der Amoriter kommen/das vns der HERR vnser Gott geben wird/Sihe da das Land für dir/das der HERR dein Gott dir gegeben hat/Deuch hin auff vnd